

醫宗金鑑

卷五至
卷七

眼胞菌毒圖

菌毒生於眼胞邊形如豆黃白色水胞日久如菌形



眼部

眼胞菌毒

菌毒生於眼睫邊如菌黃亮水胞圓頭大蒂小漸垂出脾溼鬱熱結凝堅〔註〕此證生於上下眼胞睫邊初如菌形頭大蒂小黃亮水胞或有頭小蒂大者漸長垂出堅凝不痛有纏綿經年不愈者以致目病蓋眼胞屬脾其經素有溼熱思鬱氣結而生也初起宜用清涼圓洗卽消有經年皮厚消之不應者法當用軟紙蘸水潤眼皮菌毒處少頃用左手大指甲墊於患根右手持鉸鉞尖頭齊根切下血出不妨卽用翠雲錠磨濃塗之其血卽止內服涼膈清脾飲忌海腥煎炒

清涼圓

當歸尾

石菖蒲

赤芍藥

各二錢

川黃連

生

地膚子

杏仁

各一錢生

羌活

五分

膽礬

二分

共研粗末以大紅綢包之如櫻桃大甜滾水浸泡乘熱蘸洗勿見塵土

〔方歌〕清涼圓內用川連歸尾菖蒲芍膽礬羌活杏仁地膚子菌毒初起洗之痊

翠雲錠子

杭粉

五兩

銅綠

黃連

各一兩

輕粉

一錢

共爲細末用糯米百粒水一盞煎半盞去米再

煎至三分和藥作錠陰乾用時水磨令濃以雞翎蘸塗患處

〔方歌〕翠雲錠子能止血銅綠輕杭黃連強共爲細末和成錠菌毒切後塗之良

涼膈清脾飲

生地黃

連翹

去心

梔子

生研

薄荷

荆芥

防風

石膏

煨

黃芩

赤芍

各一錢

甘草

五分生

水二鍾燈心二十根煎八分食遠服

〔方歌〕涼膈清脾生地黃連翹梔子薄荆防石膏芩芍兼甘草醫治菌毒服卽康

眼丹

眼丹眼胞上下生紅熱腫痛輒偏風熾熱紫硬偏於熱荆防敗毒服有功〔註〕此證由脾胃溼熱受風而成紅腫疼痛若腫輒下垂不能視物者偏於風盛也浮腫易消若熾紅色紫堅硬者偏於熱盛也腫硬難消初起俱宜荆防敗毒散散其風口渴便燥者宜內疎黃連湯瀉其熱有日久消之不應者宜服透膿散膿熟鍼之腫用如意金黃散洗之潰用琥珀膏或白膏藥貼之此證宜速潰遲則潰深穿透眼胞或漏難斂

荆防敗毒散

見項部

內疎黃連湯

如意金黃散

透膿散

俱見腫瘍門

琥珀膏

見頭部

白膏藥

見潰瘍門

眼

丹

圖

眼丹生於眼胞左右相同



鍼眼

鍼眼眼睫豆粒形輕者洗消膿不成甚則赤痛膿鍼愈破後風侵浮腫生〔註〕此證生於眼皮毛睫間由脾經風熱而成形如豆粒有尖初起輕者宜用如意金黃散鹽湯沖洗膿不成即消矣風熱甚者色赤多痛洗之不消膿已成也候熟鍼之貼黃連膏亦有破後邪風侵入瘡口令人頭面浮腫目赤澀痛者外仍洗之內服芎皮散即愈

芎皮散

川芎二兩

青皮一兩

共爲末每服二錢菊花湯調服

外以枯礬末雞子清調敷腫處

又用南星

末同生地黃搗膏貼太陽穴自消

〔方歌〕芎皮散內用川芎青皮減半用最靈爲末菊花湯調服醫治鍼眼自成功

如意金黃散

見腫門

黃連膏

見鼻部瘡內

鉞眼圖



鉞眼生於眼邊卽小瘡也

眼胞痰核圖



痰核生於眼上下胞含於皮裏皮色如常

眼胞痰核

眼胞痰核溼氣鬱核結如粟如豆形皮裏肉外推之動皮色如常硬不疼〔註〕此證結於上下眼胞皮裏肉外其形大者如粟小者如豆推之移動皮色如常硬腫不疼由溼痰氣鬱而成宜服化堅二陳丸外用生南星蘸醋磨濃頻塗眼皮日數淺者即消日數深者雖不能即消常塗令皮薄微微撥損以手指甲擠出如白粉汁即消貼貝葉膏收口從眼皮裏潰破者難斂

化堅二陳丸

陳皮

半夏各一錢製

白殭蠶二兩炒

白茯苓一兩五錢

甘草三錢生

川黃連三錢

共研細末荷葉


熬湯合丸如梧桐子大每服二錢白滾水送下

〔方歌〕化堅二陳丸消痰週身結核服更痊陳皮半夏茯苓草殭蠶荷葉川黃連

貝葉膏見潰瘍門

椒瘡生於眼皮裏形如椒粒色赤

椒瘡圖



粟

瘡

圖

粟瘡生於上下眼皮裏形如黃米



椒瘡粟瘡

椒瘡粟瘡生胞裏脾胃血熱是根苗粟瘡黃輭溼易散椒瘡赤硬熱難消〔註〕此二證生於眼胞之裏雖皆由脾胃血熱所致然粟瘡偏於溼盛故色黃形輭其證易愈椒瘡偏於熱盛故色赤形硬其瘡難消俱宜服清脾涼血湯外以清涼圓洗之若眼皮裏有紅絲堆壘者乃血熱有瘀也法以燈草刮瘡處令血出即愈

清脾涼血湯

荊芥

防風

赤芍

黑參

陳皮

蟬蛻

蒼朮炒

白蘇皮

錢各一

連翹 去心

生大黃

各一錢五分酒洗

厚朴

薑炒

甘草

各五分生

竹葉三十片水

煎食遠服

〔方歌〕清脾涼血椒粟瘡厚朴陳皮翹芍蒼蟬蛻黑參荊防草白蘇皮與生大黃

皮

翻

證

圖

皮翻證生於眼皮裏翻轉如舌舐唇之狀



皮翻證

皮翻證係眼胞翻狀如舌舐唇一般翻因胞腫睫緊故血壅氣滯胃經原〔註〕此證由胃經血壅氣滯而成小兒多有之眼皮外翻如以舌舐唇之狀又如痘風眼爛胞腫弦緊者則眼皮亦翻治宜瀉脾胃之積熱以瀉黃散服之即愈亦有內翻者即目科拳毛倒睫弦弛不內外翻者即目科胞垂難視之證也

瀉黃散

石膏

五錢

梔子仁

一兩

甘草

三兩

防風

二兩

酒拌

豨薟草

四兩

酒蒸

曬乾

共研細末壯人二錢弱人

一錢小兒六七分白滾水調下

〔方歌〕瀉黃散治皮翻證石膏梔子草防風豨薟草同研細末滾水調下有奇功

漏睛瘡

漏睛瘡在大眇生肝熱風溼病睛明紅腫痛潰膿稠易青黑膿稀難長平〔註〕此證生於目大眇由肝熱風溼病發於太陽膀胱經睛明穴其穴之處係藏淚之所初起如豆如棗紅腫疼痛瘡勢雖小根源甚深潰破出黏白膿者順出青黑膿或如膏者險初宜服疎風清肝湯潰後用黃靈藥熬入瘡口兼貼萬應膏其口漸漸收斂有膿從大眇內出者成漏難斂亦有瘡口過出淚液以致目內乾澀者收斂更遲若潰斷眼邊弦者不治
疎風清肝湯

當歸尾

赤芍

荆芥穗

防風

川芎

菊花

生梔子

薄荷

錢各一

柴胡

連翹

各一錢五

金銀花

二錢

甘草

五分

燈心

五十寸水煎食遠服

〔方歌〕疎風清肝漏睛瘡又除肝熱散風強歸芍銀花芎菊草柴翹梔子薄荆防

黃靈藥

萬應膏

俱見潰瘍門

漏睛瘡生於大眼角

漏睛瘡圖



目中努肉

目中努肉心火成實火大眚色深紅小眚紅絲淡虛火努肉時覺或脹疼〔註〕此證生於目兩眚瘀肉努出時覺疼痛總屬心火所成然火有虛實如大眚紅肉色深紅者心經實火也宜黑參湯服之小眚紅絲色淡紅者心經虛火也宜決明散主之外俱用清涼圓泡洗久久自愈

目中努肉圖



目中努肉

黑參湯

黑參

苦參

梔子研

菊花

黃連

枳殼麩炒

草決明

車前子

防風

大黃炒

升麻

各二錢

水煎食後服

〔方歌〕黑參湯治大眚疼內生努肉實火成苦參梔菊黃連殼草決車防大黃升

決明散

玉竹

黃連

枳殼麩炒

川芎

甘草生

羚羊角

各一兩錢

車前子

青葙子

草決明 各五錢

共研細末每服三錢食後服臥時再用一服

〔方歌〕決明努肉虛火攻玉竹黃連枳殼芎車前青葙羚羊草研末水調最有功

清涼圓 見菌毒

鼻 疽 圖

鼻部

鼻疽



鼻疽

鼻疽生於鼻柱間肺經鬱火發督原堅硬色紫常木痛千金仙方託裏痊〔註〕此證生於鼻柱屬督脈經鼻爲肺竅故又屬肺由肺經鬱火凝結而成堅硬色紫時覺木痛初宜服千金漏蘆湯宜解鬱毒次用仙方活命飲加梔子木通薄荷桔梗消之若腫痛不減勢欲作膿則宜託裏透膿湯主之外治法按癰疽潰瘍門

千金漏蘆湯

漏蘆 一兩

枳殼 一兩 鉄炒

朴硝 一兩

大黃 五錢

甘草 一兩 生

麻黃 一兩

黃芩 一兩

白斂一兩

連翹去心一兩

升麻一兩

共研細末每用二錢水一鍾薑三片薄荷葉一錢煎五分溫服

以取便利為度

〔方歌〕千金漏蘆鼻疽發色紫堅疼效更嘉漏蘆枳殼硝黃草麻芩白斂翹升麻

仙方活命飲

見腫瘍門

託裏透膿湯

見頭部侵腦疽

鼻疔

鼻疔生在鼻孔中鼻竅腫引腦門疼甚則唇腮俱浮腫肺經火毒蟾離宮〔註〕此證生於鼻孔內鼻竅腫塞脹痛引腦門甚則唇腮俱作浮腫由肺經火毒凝結而成宜蟾酥丸汗之再用蟾酥丸研細末吹入鼻竅若腫硬外發用離宮錠塗之此證初起之時須當速治遲則毒氣內攻以致神昏嘔噦鼻腫如瓶者逆

蟾酥丸

見疔瘡門

離宮錠

見腫瘍門

鼻疔生在鼻孔之內焮痛異常

鼻疔圖



鼻淵

鼻淵濁涕流鼻中久淋血水穢而腥膈熱移腦風寒火控腦砂因蝕腦蟲〔註〕此證內因膽經之熱移於腦髓外

風寒凝鬱火邪而成鼻竅中時流黃色濁涕宜奇授藿香丸服之若久而不愈鼻中淋瀝腥穢血水頭眩虛暈而痛者必係蟲蝕腦也即名控腦砂宜天羅散服之但此證久則必虛當以補中益氣湯兼服之即效

奇授藿香丸

藿香連枝葉八兩

研細末雄豬膽汁和丸如梧桐子大每服五錢食後蒼耳子湯下或黃酒送下

〔方歌〕奇授藿香鼻淵流濁涕淋漓久不休豬膽汁合藿香末蒼耳湯下患可瘳

天羅散

絲瓜藤近根處者
燒存性

爲末每用三錢食後黃酒送下

〔方歌〕天羅蟲蝕腦髓中頭痛鼻流血腥絲瓜根燒研細末黃酒調服慣殺蟲

補中益氣湯

見潰瘍門

鼻 蠶 瘡 圖

鼻蠶瘡多生小兒鼻翅及兩傍



鼻蠶瘡

鼻鑿瘡多小兒生鼻下兩旁斑爛形總由風熱客於肺膿汁浸淫癢不疼〔註〕此證多生小兒鼻下兩旁色紫斑爛由風熱客於肺經膿汁浸淫癢而不痛宜服澤瀉散外搽青蛤散即愈

澤瀉散

澤瀉

鬱金

山梔生

甘草各一錢生

共研細末每服一錢甘草煎湯調下

〔方歌〕澤瀉散治鼻鑿患膿汁浸淫肺火毒澤瀉鬱金山梔草末甘草煎湯調送服

青蛤散

蛤粉一兩

青黛三錢

石膏一兩煨

輕粉

黃蘗各五錢生末

共研細末先用香油調成塊次

加涼水調稀薄塗瘡處

〔方歌〕青蛤散塗鼻鑿消蛤粉青黛煨石膏輕粉黃蘗研極細香油拌塊涼水調

鼻瘡

鼻瘡肺熱生鼻中燥乾如火微腫疼內服黃芩外定痛燥乾黃連膏潤靈〔註〕此證生於鼻竅內初覺乾燥疼痛狀如粟粒甚則鼻外色紅微腫痛似火灸由肺經壅熱上攻鼻竅聚而不散致成此瘡內宜黃芩湯清之外用油紙燃黏辰砂定痛散送入鼻孔內若乾燥者黃連膏抹之立效

黃芩湯

黃芩二錢酒炒

甘草五分生

麥冬一錢去心

桑白皮一錢生

梔子一錢五分連翹去心連皮酒炒

赤芍

桔梗

薄荷

荊芥穗各一錢

水煎食後服

〔方歌〕黃芩湯醫肺火盛鼻內生瘡赤腫疼荊芥穗麥冬桑梔翹赤芍桔梗薄荷荊

辰砂定痛散

辰砂五分末

冰片二分

胡黃連二兩末

石膏一兩煨

共研細末

〔方歌〕辰砂定痛鼻瘡乾冰片胡連膏煨研油紙燃藥入鼻孔消疹散熱效通仙
黃連膏

黃連三錢

當歸尾五錢

生地一兩

黃蘗三錢

薑黃三錢

香油十二兩將藥煤枯撈去渣

下黃蠟四兩溶化盡用夏布將油濾淨傾入磁盤內以柳枝不時攪之候凝爲度

〔方歌〕黃連膏潤諸燥瘡歸尾生地蘗薑黃油煤去渣加黃蠟布濾攪凝塗抹強

鼻瘡並鼻痔浸淫破爛俱生鼻孔難以圖畫

鼻瘡鼻痔圖



鼻痔

鼻痔初起榴子形久垂紫硬礙氣通肺經風溼熱鬱滯內服辛夷外點平〔註〕此證生於鼻內形如石榴子漸大下垂色紫微硬擣塞鼻孔礙人氣息難通由肺經風溼熱鬱凝滯而成內服辛夷清肺飲以清肺熱外以硃砂散逐日點之漸化爲水而愈宜戒厚味暴怒庶不再發

辛夷清肺散

辛夷六分

甘草五分

石膏煨

知母

梔子生研

黃芩各一錢

枇杷葉三片去毛蜜炙

升麻三分

百合

麥冬各一錢去心

水二鍾煎八分食遠服或加羌活防風連翹薄荷

〔方歌〕鼻痔辛夷清肺飲辛草膏知梔子芩枇杷升麻百合麥或加羌活翹薄荷

硃砂散見耳部耳痔內

肺風粉刺

肺風粉刺肺經熱面鼻疔瘡赤腫疼破出粉汁或結屑枇杷顛倒自收功〔註〕此證由肺經血熱而成每發於面鼻起碎疔瘡形如黍屑色赤腫痛破出白粉汁日久皆成白屑形如黍米白屑宜內服枇杷清肺飲外敷顛倒散緩緩自收功也

肺風鼻起碎疔瘡形如黍屑色赤腫痛破出白粉汁日久成白屑如黍米

肺風粉刺圖



枇杷清肺飲

人參 三分

枇杷葉 一錢
刷去毛蜜炙

甘草 三分

黃連 一錢

桑白皮 二錢
鮮者佳 黃蘗 一錢

水一鍾半煎七分食遠服

〔方歌〕枇杷清肺枇杷葉參草黃連桑白皮黃蘗同煎食遠服肺風粉刺盡皆宜
顛倒散

大黃

硫黃 各等分

研細末共合一處再研勻以涼水調敷

〔方歌〕顛倒散敷功效極大黃硫黃各研細等分再勻涼水調端醫酒皰肺風刺

酒 皰 鼻 圖

酒皰鼻



酒 皰 鼻

酒皰鼻生準及邊胃火薰肺外受寒血凝初紅久紫黑宜鬱活瘀緩緩痊〔註〕此證生於鼻準頭及鼻兩邊由胃火薰肺更因風寒外束血瘀凝結故先紅後紫久變爲黑最爲纏綿治宜宣肺中鬱氣化滯血如麻黃宣肺酒涼